

Sarah im MRI eo

jān Juliann Doman

Pedped wōt ioon juon bwebwenato eṃool

“Ke Kraist eaar pād ioon laḷ in, Eaar kallimur enaaj kar jilkintok Jetōb Kwojarjar eo nān kaenōmṃman kōj, eo jerad eṃool, indeo” (Children’s Songbook, 105).

“Eaar āinwōt alikkar Sarah enaaj aikuj in MRI kōn ilikin,” Dr. Frank eaar ba. Eaar ettōñ nān Sarah. “Inaaj jikejuuḷi juon nān ilju. Inaaj bar roḡol tok iumwin jet minit ko.”

Itulikin Sarah ekar metak iumwin jidik iien. Ke eaar ruḷḷok ilo jibboñōn eo, eaar kanooj metak joñan eaar pen nān an jutak kankan lōñḷok, im ebaj nāk wōt kar etetal. Sarah im jinen raar itok nān lo Dr. Frank nān lale ta kar jorrān eo.

“Bar juon MRI?” Sarah eaar kajjitōk, reilōñḷok nān jinen. Liin eaar bar MRI juon kōttan moḷtaḷok. Liin eaar

keememej ewi joñan kar mijak eo eaar eñjake ilo tube eo eḷap me kar bōk pija ko an itulowaan ānbwiinin.

“Joḷok aō bōd, Sarah,” Jinen eaar ba. “Bōtaab pijak ko renaaj jipañ Dr. Frank katak ta jorrān eo an diim. Ijeḷā komaroñ kōmṃmane menin. Im inaaj pād ijo ippam.” Eo jinen eaar kuul pein Sarah.

“Bōtaab koban maroñ deḷōñ tok ippa,” Sarah eaar ba. Bōran eaar jillok, im kōmjaaḷaḷ eaar wōtlōk laḷḷok ilo jāpān. Eo jinen emaroñ kar pād ippān ilowaan ruum eo, bōtaab ke Sarah eaar deḷōñḷok ilo lowaan machine eo, liin enaaj kar makeḷok.

Pein jinen ej jepooḷ Sarah. “Men jab in eṃool, bōtaab kwojeḷā wōn eo emaroñ in pād ijo nān kaenōmṃman eok?”

Sarah eaar keememej juon āt liin eaar roñ nān Jetōb Kwojarjar eo: *Rikaenōmṃman*. Bōlen Jetōb Kwojarjar eo emaroñ kar jipañ liin jab eñjake lōñḷōñ.

“Jetōb Kwojarjar eo?” Sarah eaar kajjitōk.

Eo jinen eaar eṃajidjid. “Ejimwe. Komaroñ jar kōn Jetōb Kwojarjar eo nān jipañ eok. Baba im nā naaj jar kōn eok barāinwōt.”

Menin eaar leḷok juon ḷōmṃnak eṃṃman nān Sarah. “Imaroñ kajjitōk ippān baba kōn juon kōjeraamṃman?”

Eo jinen eaar ettōñ. “Aaet. Ijeḷā enaaj kar kōṃaan kōmṃmane.”

Boñōn eo jemen eaar likūt pein ioon bōran Sarah im kar leḷok nān e juon kōjeraamṃman an priesthood. Ke eaar kōjeraamṃman Sarah bwe en kaenōmṃman jān Jetōb Kwojarjar eo, juon okmānāṃ emera ekar kaobrak ānbwiinin. Eñjake eo eaar pād wōt ippān aolepān boñōn eo.

Raan eo tok juon Sarah ej babu ioon jea eo me kar kadeḷōñḷok nān lowaan tube eo eḷap ilo MRI machine eo. Liin eaar āliji ilo bōran naan ko Jemen eaar kōjerbali ilo iien kōjeramṃman eo an: *Jetōb Kwojarjar eo enaaj pād ijo nān kaenōmṃman eok*. Sarah eaar kanooj kuul pein Jinen. Innām nōōj eo eaar kadeḷōñḷok e ilo tube eo.

MRI machine eo eaar kōmṃmani ainikien ko rōkōjak ilo an kar bōk pija ko an diin. Sarah eaar aikuj babu jab ṃakūtūt nān jidik bwe pija ko ren jab tab. Liin eaar kor iumwin juon minit, bōtaab liin eaar eñjake bar eñjake eo emeṃeṃ. Eaar āinwōt juon iaan atbakwōj ko an eo Jinen. Ak juon kōḡoj eo emeṃeṃ. Liin eaar jeḷā bwe aolep men



Analise F., 6 iio dettan, Utah, USA

Ke iaar ḷalem, iaar aikuj in ṃwijṃwij nān tūṃ tonsil ko im adenoid ko aō. Iaar kanooj in ikūmkūm im lōñḷōñ. Jema eaar letok nān eō juon kōjeraamṃman. Ālkin kōjeraamṃman eo, eaar jako aō ikūmkūm, im kōm jimor kar ṃōñḷōñ kōnke kōm kar eñjake Jetōb Kwojarjar eo.

renaaj kar EMMAN. Moḷta jān an kar jeḷā, MRI eo eaar dedeḷok!

Ilo opii eo an Dr. Frank, eaar kwaḷok nān Sarah im eo Jinen pija ko an diin Sarah. “Ekanooj kar eṃṃman aṃ kōmṃmane babu jab ṃakūtūt,” Dr. Frank eaar jiroñ Sarah ke eaar bukweḷōḷo iturjete in. “Pija kein an diin rej kwaḷok bwe kwonaaaj aikuj in ṃwijṃwij nān jipañ bwe en eṃṃmanḷok aṃ etetal.”

Sarah eaar orañḷok.

“Jekōṃaan kōmṃmane ṃwijṃwij eo ejjab etto,” Dr. Frank eaar ba, reilōñḷok nān jinen Sarah. Innām bar oktakḷok nān Sarah. “Emaroñ bōk jet wiik ko ālkin nān aṃ eñjake āinwōt kar kwe eo moḷta bar juon alen, bōtaab ālkin aō lo eok rainin, ijeḷā enaaj eṃṃman aṃ kōmṃmane.”

Sarah eaar kajjieoñ ḷōmṃnak kōn aolep men ko eaar kōmṃmani ālkin an Dr. Frank kōmṃmane diin. *Inaaj maroñ in ettōr im aao im kelok nān bulōn juon ejouj ekilep in bōlōk ko*. Liin eaar miji kōmṃmani aolep men ko. Bōtaab ṃwijṃwij eo eaar eṃool kamijakḷok jān juon MRI! Innām Sarah eaar keememej jar ko an im kōjeraamṃman eo an ejenḷok. Jemedwōj Ilañ eaar jilkinḷok nān e Rikaenōmṃman eo. Enaaj kar bar jipañ e.

Liin eaar reilok nān Dr. Frank. “Innām imaroñ kelok nān bulōn juon ejouj ekilep in bōlōk ko?” liin eaar kajjitōk.

Leo eaar ūjō. “Innām komaroñ kelok nān bulōn juon ejouj ekilep in bōlōk ko.” ■

Rijeje eo ej jokwe ilo Colorado, USA.



KOMELEJE JAN DAVID HABBEN